

烘堂詞

目錄

西江月 一詞	念奴嬌 一詞	清平樂 一詞	念奴嬌 三詞
鵲橋仙 一詞	柳梢青 二詞	瑞鷓鴣 一詞	武陵春 一詞
謁金門 三詞	浣溪沙 一詞	鷓鴣天 一詞	暮山溪 二詞
賀新郎 一詞	菩薩蠻 一詞	減字木蘭花 一詞	清江紅 三詞
好事近 一詞	木蘭花 一詞	踏莎行 一詞	蝶戀花 一詞
畫堂春 一詞	臨江仙 一詞	點絳脣 一詞	訴衷情 一詞
踏莎行 一詞	杏花天 一詞	念奴嬌 一詞	冉冉雲 一詞
水調歌頭 一詞	鷓鴣天 一詞	減字木蘭花 一詞	鷓鴣天 一詞
菩薩蠻 一詞	踏莎行 一詞	水龍吟 一詞	柳梢青 一詞
賀新郎 一詞	水調歌頭 一詞	少年遊 一詞	漢宮春 一詞
武陵春 一詞	朝中措 一詞	多麗 一詞	滿江紅 一詞
小重山 一詞	玉團兒 一詞	蝶戀花 一詞	水調歌頭 一詞
醉蓬萊 一詞	一翦梅 一詞	滿江紅 一詞	訴衷情 一詞
滿江紅 一詞	水調歌頭 一詞	浣溪沙 一詞	清平樂 一詞
		菩薩蠻 一詞	
		詞目終	

宋六十名家詞

姚雪詞目錄

二

烘堂詞

宋 盧炳

西江月

殘雪猶餘遠嶺晚煙半隱寒林溶溶春漲綠波
深時有漁人釣艇 倚岸野梅墜粉蘸溪官柳
搖金凭欄凝峙酒初醒料得誰知此景

念奴嬌

晚天清楚掃太虛纖翳凉生江曲四顧青冥天
地闊惟有殘霞孤鶩山氣凝藍汀煙引素練疎
浮群木白蘋風定波澄萬頃寒玉 時有一葉
漁舟收綸垂釣來往何幽獨短髮蕭蕭襟袖冷
便覺都無裨潄曳杖歸來夜深人悄月照鱗鱗
屋藤牀一枕迥然清夢無俗

鵲橋仙

餘霞散綺明河翻雪隱隱鵲橋初結牛郎織女
兩逢迎勝却人間歡悅 一宵相會經年離別

此語真成浪說細思怎得似嫦娥解獨宿廣寒
宮闕

柳梢青

蘭蕙心情海棠韻度楊柳腰肢步穩金蓮手纖
春筍膚似凝脂 歌聲舞態都宜拚著箇堅心
共伊無奈相思帶圍寬盡說與教知

又

雅淡精神鉛黃未洗猶帶殘粧春艷一枝鵲兒
顏色染就纖裳 月移影轉南窓特地送些兒
暗香宿酒初醒這般滋味夢斷池塘

謁金門

春寂寂節物又催寒食樓上捲簾雙燕入斷魂
愁似織 門外雨餘風急滿地落英紅濕好夢
驚回無處覓天涯芳草碧

又

春事寂苦筍鮓魚初食風捲繡簾飛絮入柳絲

榮似織 迅速韶光去急過雨綠陰尤濕回首
舊遊何處覓遠山空貯碧

又送客

門巷寂梅豆微酸法食別恨縈心愁易入寸腸
如網織 去櫓咿啞聲急淚滴春衫輕濕尺素
待憑魚鴈覓速煙凝處碧

浣溪沙

水閣無塵午晝長薰風十里藕花香一簫疎雨
釀微涼 旋點新茶消睡思不將歸醉惱詩腸
闌干倚偏挹湖光

賀新郎

綠遍芳郊禾早紅褪香乾堪歎韶華瞬目薄倖
東皇緣底事得恁匆匆去速正永日初長晴淑
尤憶夜來成夢處記分明渾似瑤臺宿人語靜
燕雙逐 紗窓一柱沈煙馥拚淋漓劇飲高枕
春醒草屋無計畱春添悵望空寫新詞塵幅算

負却照妝面燭欲說縈心些箇事恐教人感損
眉峰絲嬾倚遍闌曲

菩薩蠻

夢回小枕欹寒玉博山香暖沈煙續帷薄怯輕
紗風牽幌帶斜 夜窻雲影細月送花陰至身
世在陶唐悶愁不掛腸

好事近

庭院欲昏黃秋思惱人情亂寶瑟試彈新曲更
與誰同伴 陽臺魂夢杳無踪奴住巫山畔不
似楚襄雲雨渾輸他一半

減字木蘭花

傳消寄息咫尺還如千里隔欲見無由惹起新
愁與舊愁 情懷如醉欲枕連宵終不寐無奈
相思此恨憑誰說與伊

畫堂春

輕紅桃杏鬪嬌妍晚來惹得祥烟覓旌絳節下

雲天行地神仙 盛事頻封錦語歌聲齊勸金
蓮從教滄海變桑田富貴長年

臨江仙

寄老
人

弱水蓬萊真勝地祥煙閃爍霓旌瑞池驪會下
雲華康寧新喜事淑善舊家聲 戲綵捧觴真
樂事蟠桃獻壽千春從今更願子孫榮加恩封
錦誥學道誦黃庭

踏莎行

秋色人家夕陽洲清西風催過黃華渡江煙引
索忽飛來水禽破暝雙雙去 奔走紅塵棲遲
羈旅斷腸猶憶江南句白雲低處鴈回峰明朝
便踏瀟湘路

杏花天

鏤冰翫玉工夫費做六出飛花亂墜舞風情態
誰相似算只有江梅可比 極目處瑤瑤萬里
海天闊清寒似水從教高捲珠簾□□□□

□□□

水調歌頭

題諸圻景星
亭上慕容守

華亭新偉觀勝地得高雄凭欄徙倚要眇萬里
景無窮好是江流縈繞那更雲天舒闊疊嶂倚
晴空眼界無盡藏懷抱有清風 主人賢開綺
席泛金鐘放懷一笑許我滿酌醉顏紅祇恐雙
書卽下促起飛鳬東去行作黑頭公還記今朝
客曾待一杯全

鷓鴣天

初過清明春晝長紫紅香霧滿華堂朱顏阿母
蓬生且綠戲兒孫捧壽觴 齊祝頌喜平康天
敬兩鬢正蒼蒼壺中日月應長久笑看蟠桃幾
度芳

菩薩蠻

石榴裙束纖腰裊金蓮穩襯弓靴小嬌蹙口羞
人傘低遮半身 思情如紙薄方信當初錯避

追苦匆匆還是夢中

踏莎行

雅淡客儀溫柔情性偏伊賦得多風韻明眸剪
出玉爲肌鳳鞋弓小金蓮觀相見雖頻歡娛
無定螢牋寫了憑誰問堅心好事有成時須教
人道都相稱

賀新郎

池館閑疑目有玉人向晚妖嬈洗妝梳束雅淡
客儀妃子樣羞使胭脂點觸瑩冰雪精神難掬
好是月明微露下似晚凉初向清泉浴好對我
笑羞縮好風拂面渾無俗更撩人清興異香
芬靚惹起新愁無著處細與端相未足俏不忍
遊蜂飛撲可惜伊家嬌媚態問天公底事教幽
獨待拉向錦屏曲

水調歌頭

風馭過姑射雲珮挹浮丘丁寧月姊爲我澄霽

一天秋盡展冰奩玉鑑要看瑤臺銀闕萬里冷
光浮分與世間景好在水邊樓想霓裳呈妙
舞起清謳藍橋何處試尋玉杵恣追遊擬待鉛
霜擣就緩引瓊漿沈醉誰信是良籌長嘯跨鯨
背不必願封畱

武陵春

春何顯夫
小舟有景

紅荻黃蘆秋已老妝點楚江頭更有吳姬撥小
撈來往自妖嬈款款艤舟臨別岫短纜繫花
梢料得前身是莫愁依舊有風流

朝中措

曉來天氣十分凉時候近重陽村落人家蕭瀝
離菊有芬芳年來漸覺詩腸愈窄酒量偏狂
好景不須放過何妨一醉千觴

小重山

一見情懷便雅投尊前成密約意綢繆已成行
計理歸舟空相憶無計爲伊畱執別話離愁

榮牽滋味惡在心頭而今無奈阻歡遊些子事
此恨兩悠悠

玉園兒

用周美成韻

綠雲慢綰新梳束這標致諸餘不俗邂逅相逢
情懷雅合全似深熟耳邊笑語論心曲把不
定紅生臉肉若得同歡共伊偕老心事忒足

醉蓬萊

上南安太守
庚戌正月

正春回紫陌瑞霞飛浮暖風輕扇皓月初圓覺
嚴城寒淺綵結鰲山紗籠銀燭與花爭競午夜
融和紅蓮萬頃一齊開過訟簡民熙使君行
樂簇擁朱輪旌旗輝煥鼎沸笙歌遏行雲不散
咫尺泥封促朝天陞侍玉皇香案來歲元宵龍
燈影裡金杯宜勸

一翦梅

寄元

燈火樓臺萬斛蓮千門喜笑素月嬋娟幾多急
筵與繁絃巷陌駢闐畢獻芳筵樂與民偕五

馬賢綺羅叢裡一簇神仙傳柑雅宴約明年盡
夕畱連滿汎金船

滿江紅

碧眼真仙算元住蓬萊宮裡記當日等閑跨鶴
人間遊戲要把忠勲扶帝業更將姓字聯宗系
擁朱輪特地爲萬民來詩書帥千里地都和
氣十萬戶生歡喜祝黃堂眉壽歌謠鼎沸莫惜
春醅供燕豆便承芝檢朝天陞看雲屏隔坐並
貂蟬雙清貴

水調歌頭

上沈岸

再拜識英度喜氣覺飛浮神清骨秀元是蓬萊
謫仙流盃去冲摩霄漢剛向平分風月半刺嶺
南州素纒未施展闊步尚淹畱從此去朝帝
闕侍宸旒論思獻替要須直與古人侔好是羽
儀朝著勒就鼎彝勲業却伴赤松遊曳杖太湖
曲笑傲八千秋

清平樂

犀水

琉璃翦葉點綴黃金屑雅淡幽姿風味別翠影
婆娑弄月秋光占斷江南清香鼻觀先參一
孕折來和露烏雲鬢畔斜簪

念奴嬌

白蓮呈羅敷黃法

鑿開方沼問何人種玉工夫奇絕幻出瀛洲有
十萬水仙羅列風曳瑤琚露零珠珮天上人榮
結君看炎夏墮來何處冰雪我來對此涼生
紅塵飛盡却笑凌波襪最愛幽姿能雅淡自著
芳馨孤潔挹取天漿喚將空巖齊作清歌發不
知塵世見然身在瑤闕

又

碧池如染把玻璃甕就織埃都絕西國夫人空
裏墜圓蓋亭亭排列瑩質無瑕塵心不染遠社
堪重結當時盛事虎溪若盤翻雪千載此意
誰論人爭買笑醉眼看羅襪坐上如今皆我輩

素蘊從來燭潔鑒節臨風停杯對月浩氣俱英
發兩翁仙舉玉堂正在金闕

又

好風明月共芙蓉占作人間三絕試問千花還
敢與英姿同列一曲千鍾凌雲長嘯舒放愁腸
結人生易老莫教雙鬢添雪回首蠅利蠅名
微官多誤自笑塵生襪爭似玉人真嫵媚表裏
冰壺明潔露下寒生參橫斗轉又聽胡笳發夜
闌人靜一聲清透雲闕

瑞鷗鴂

除夜依逆旅主人寒雨不止夜酌

客裡驚嗟又歲除蕭蕭寒雨滴茅廬山深溪轉
泉聲碎夜永風搖燭影孤冷甚只多燒木葉
詩成無處寫桃符強酬節物聊清酌今歲屠蘇
自取疎

武陵春

舟行三箇間江干梅盛開為風雨所如賦此以惜之

常記江南春欲到消息付南枝疎影橫斜照水

時月淡暗香遲 可惜江頭千樹玉雨暗更風
欺傳語東君管領伊憔悴有誰知

鷓鴣天

席上
戲作

秋月明眸兩眉濃衫兒貼體綳輕紅清聲宛轉
歌金縷纖手殷勤捧玉鍾 嬌媚姸語惺鬆酒
香沸沸透羞容劉郎莫恨相逢晚且喜桃源路
已通

鵲山溪

淡粧西子怎比西湖好南北兩長隄有畫樓
臺多少翠光千頃一片淨琉璃泛蘭舟搖画櫓
盡日金尊倒 名園精舍總被遊人到年少與
佳人共攜手嬉遊歌笑夕陽西下沈醉盡歸來
鞭賣馬開竿隨簇著花藤轡

又

與何遜
夫爲

韶華七換阻慶生申旦今日向高堂載卮酒爲
君滿勸續簾低掛瑞霽口香濃倩嬖娥敲象板

緩緩歌珠貫 芝蘭挺秀俱是皇家彥只這一
般奇見方寸平生積善幾多厚德天錫與遐齡
鬢長青顏不老日日開華宴

減字木蘭花

莎衫筠笠正是村村農務急綠水千畦慙愧秧
針出得齊 風斜雨細麥欲黃時寒又至饑婦
耕夫画作今年稔歲圖

滿江紅

送趙李行
赴金壇

積雨連朝添新漲一篙春碧橈猶在東風料峭
柳絲無力繫惹回船都不住從教蘭棹雙飛急
泛大江東去欲何之瓜期迫 龍鍾裔神仙伯
全閨彥文章客算河陽花縣恁生開得製錦才
高書善最鳴琴化冷人懽懽想未容坐暖詔歸
來君王側

踏莎行

遇黃花渡沽白
酒田成呈天休

獵獵霜風濛濛曉霧歸來喜踏江南路千林翠

樞半紅黃試看青女工夫做
芽含疎籬竹邊
低戶誰家酒滴真珠露旋飀一醺破清寒趁晴
同過黃花渡

蝶戀花

和彭子先瀨

滿架冰蕤開遍了試問花神畱得春多少清勝
荀香嬌韻好謝庭風月應難到酒釀新醅名
不老醉倒花前真箇無煩惱滿座清歡供一笑
春醒拚却明窓曉

點絳脣

過眼溪山向來都是經行處驂鸞人去冷落吹
簫侶小立江亭愁對蕰葭浦無情緒酒杯慵
舉開看江楓舞

訴衷情

無端風雨送清秋天氣冷颼颼行人先自離索
直是不禁愁思往事憶前遊淚難收重陽近
也黃花依舊誰伴清甌

念奴嬌

上巳太守待同官曲水園因成

快風收雨正江城初霽物華如許麗日融和春
思好是處鶯啼燕語嫩綠成陰落紅堆繡只恐
春將暮園林清晝看看又見飛絮太守無限
風流鈴齋多暇載酒郊原路幾隊旌旗光閃爍
鼓吹更翻新譜曲水流觴蘭亭修禊俯仰成今
古爲君一醉歸時樓上初鼓

冉冉雲

牡丹盛開招同官小飲賦此

雨洗千紅又春晚畱牡丹倚闌初綻嬌姪偏
賦精神君看算費盡工夫點染帶露天香最
清遠太真妃院妝體段拚對花滿把流霞頻勸
怕逐東風零亂

減字木蘭花

詠梅呈萬敬

冰姿雪壘天賦精神偏冷淡惟有清香何遜揚
州暗斷腸孤芳好處消得騷人題妙句鼓敲
寒枝未必生綃圖得宜

鷓鴣天

題廣文官舍竹外梅花呈萬教

閣雨浮雲寒尚輕商量雪意未全成
莫嫌竹外蕭然處忽有幽香透鼻清
詩興逸酒魂醒主人畱客更多情
不辭滿引成癡客且爲梅花醉一觥

水龍吟

廣韻中秋

晚晴一碧天如水風約塵埃都掃
素娥睡起玉輪穩駕初離海表碾破秋雲湧成銀闕光欺南斗想廣寒宮裡風流女伴應都把仙歌奏夜永風生悄悄耀冰雪寒侵重疇今宵休道從來此夕陰多晴少坐久更深露冷襟袖不禁清曉更天風吹下桂香拂袂想蟾根老

柳梢青

海棠冬月

笑菊欺梅嫌蜂却蝶壓盡寒
亥月下精神醉時風韻紅透香腮
天工造化難猜甚怪我愁眉未開故遣名花凌霜帶露先送春來

少年遊

用周美成韻

繡羅襖子間金線打扮好容儀
曉雲明肌秋波入鬢鞋小步行遲
冠兒時樣都相稱花插揀雙枝倩倩精神風流情態惟有粉郎知

漢宮春

向暖南枝最是他蕭酒先帶春回
因何事向歲晚攙占花魁
天公著意安排巧特地教開知道是仙翁誕節瓊英要泛金杯
人學壽陽粧面正梁州初按羯鼓聲催年年此花開後宴啓蓬萊朱顏不老算難教綠野徘徊消息好行看父子和羹鼎鼐鹽梅

多麗

壽邵郎中

慶佳辰熊羆協夢生申記當年曾遊月殿笑談高躍龍津德彌高源流孔孟才迥出黼黻卿雲
亟步華塗蜚英騰茂姓名端的簡樞宸最好是雍容蘭省直道事吾君還知否承明倦直來撫

斯民 算人生五馬最貴朱熹圓戟行春訟庭

水調歌頭

清祥風和暢鈴齋靜佳氣氤氳香凝梅繁
柳嫩年年今日勤芳尊須信道朱顏不老眉壽
等松椿從茲去袞衣特立廊廟經綸

滿江紅

賀趙縣丞

媚景良時無非是三春富貴花共柳著工夫染
嫩紅輕翠日麗風和薰協氣鶯吟燕舞皆歡意
況生辰恰值清明笙歌沸 分天派真龍裔

滿江紅

到月殿攀仙桂看眉間黃色詔書將至莫向藍
田分佐理便趨紫禁參朝對問玉皇仙籍注長
生三千歲

蝶戀花

和人探梅

羅幃護寒遮曉霧愛日烘晴又是廿年華暮滿
西江梅爭欲吐暗香漏泄春來處 何日尋芳
溪畔路草檣攬節寫景論心素千里相逢真會
遇羨君解道江南句

富貴本何物底用苦趨奔都爲造物娛弄人事
覆來翻須索高擡目力觀破祇同兒戲不必更
重論但願吾長健贏得日加飡 衣輕裘乘駟
馬駕高軒算來榮耀終輪漁叟釣江村休歎謀
身太拙未必折腰便是炙手幾曾溫清議不可
辱千古要長存

許衷情

柴扉人寂草生畦藤蔓亂榮籬秋淨楚天如水

雲華度牆低 同把盞且伸眉對殘暉紅棠笑
燃黃菊斜簪戀飲忘歸

浣溪沙

常記京華昔浪遊青羅買笑萬金酬醉中曾此
當貂裘 自恨山翁今老矣惜花心性謾風流
清梅獨酌更何愁

清平樂

方池小小風捐玻璃鏤數朵荷花開更好把住
薰風一笑 芳容淡注胭脂亭亭翠蓋相依只
欠一雙鷓鴣便如画底屏帷

菩薩蠻

用周美成韻

而今怕聽相思曲多情感損眉峰綠惜別上扁
舟望窮江際樓 蠻牋封了發爲憶人如雲離
恨寫教看休令盟約寒

盧炳字叔陽自號龜齋多與同官唱和詞
中喜用僻字如神游鉞散後子之類異花

宋六十名家詞

烘堂詞

幽鳥雖屬小品亦自可人共六十餘調長
于描寫令人生画思昔陳去非見顏持約
画梅題詩云窓前光景晚清新半幅溪籬
萬里春從此不貪江路遠勝排心力喚真
真又云奪得斜枝不放歸倚窓柔月看嘉
微墨池雪嶺春俱好付與詩人說是非一
時賞識家謂詩中有画若烘堂可謂詞中
有画矣古虞毛晉識

烘堂詞終

宋六十名家詞

烘堂詞

十二